



ANTECEDENTES

O Concello de Coristanco pretende a apertura das instalacións da piscina na tempada do verán 2022. A estes efectos, en tanto non se aproba o regulamento da instalación, establécense unhas normas de uso e recomendacións para a convivencia e disfrute das instalacións en condicións de seguridade e salubridade. Por todo o que antece, en uso das atribucións que me confire a Lei 7/19815, do 2 de abril, reguladora das bases do réxime local, **RESOLVO**

PRIMEIRO.- Aprobar as seguintes recomendacións e instrucións para o uso das piscinas:

1. **Obxecto:**

O presente decreto ten por obxecto a regulación hixiénico sanitaria da piscina de uso colectivo que ten a súa localización en A Rocheira, no Concello de Coristanco, así como o réxime de autorización e inspección das mesmas, sen prexuízo do que dispoñan outras normas que, con carácter concorrente, poidan serlles de aplicación.

2. **Ámbito de aplicación:**

O ámbito de aplicación do presente decreto esténdese á piscina de uso colectivo de titularidade municipal, sita no lugar de A Rocheira no Concello de Coristanco.

3. **Criterios hixiénico sanitarios da instalación:**

Seguiranse os criterios hixiénico sanitarios establecidos no capítulo III, artigo 12 , 13 e 14 do DECRETO 119/2019, do 19 de setembro , polo que se regulan os criterios hixiénico sanitarios das piscinas de Galicia, da Consellería de Sanidade da Xunta de Galicia

4. **Persoal:**

- 1) *Como regra xeral, e facendo referencia ao capítulo IV no artigo 15 do DECRETO 119/2019, de 19 de setembro , polo que se regulan os criterios hixiénico sanitarios das piscinas de Galicia, da*



Consellería de Sanidade da Xunta de Galicia, as piscinas de uso público deberán dispor como mínimo de unha persoa socorrista. No caso das piscinas con lámina de auga entre 500 e 1000 metros cadrados o número mínimo de socorristas será de dous. E no suposto de que a separación física entre os vasos que conforman a instalación da piscina non permita a súa vixilancia eficaz, será obrigatoria a presenza dunha persoa socorrista en cada un dos vasos.

- 2) *A titulación das persoas socorristas será a establecida no Decreto 104/2012, do 16 de marzo, polo que se fixa a formación mínima dos socorristas acuáticos e se crea e se regula o rexistro profesional dos socorristas acuático de Galicia ou normativa que o substitúa. A ausencia de inscrición en dito rexistro determinará o incumprimento da obrigaón á que se refire o punto 1.*
- 3) *A persoa socorrista permanecerá nas instalacións durante todo o tempo que se atope aberta ao público.*
- 4) *A persoa socorrista levará unha vestimenta axeitada, estará debidamente identificada durante todo o tempo que a piscina este aberta ao público.*

5. Elementos de seguridade nas instalacións:

- 1) *Na piscina existirá obrigatoriamente un teléfono de comunicación inmediata cos servizos de urxencia.*
- 2) *Disporá dun botiquín que conteña como mínimo, desinfectante e antiséptico autorizado pola axencia española de medicinas e produtos sanitarios, gasas estériles, algodón hidrófilo, vendas, esparadrapo, apósitos adhesivos, tesoiras, pinzas e luvas dun só uso.*
- 3) *As instalacións disporán de aros salvavidas, como elementos de seguridade necesarios para evitar ou minimizar o risco de afogamento e que complementen a actividade da persoa socorrista.*

6. Información ao público:

1. *O aforo total da instalación é de 204 persoas. O aforo do vaso grande será de 168 persoas e o do vaso pequeno de 36 persoas.*
2. *Prohíbese a entrada na instalación a persoas con **enfermidades infecto-contaxiosas**.*
3. *Obrigaón de respectar en todo momento as **indicación do persoal e socorristas**.*
4. *Prohibido realizar actos que perturben, molesten ou poñan en perigo a outros usuarios, dificulten ou obstaculicen o desenrolo de actividades dirixidas, supoñan dano material para as instalacións ou afecten a hixiene en xeral.*
5. *Prohíbese o abandono de desperdicios dentro do recinto da instalación.*
6. *Non se emprestará material auxiliar e só se permitirá o uso persoal de material de flotación*



naqueles casos estritamente necesario.

7. *Prohibido correr polo borde do vaso.*
8. *Prohibido tirarse de cabeza.*
9. *Prohíbese o acceso a menores de 8 anos bañarse sos e todo aquel menor que non saiba nadar.*
10. **Obrigatorio o uso do gorro de baño nas piscinas.**
11. *Prohíbese a entrada na zona do baño con calzado da rúa.*
12. *Obrigatorio o uso de chanclas.*
13. *Prohíbese o paso de animais. Excepto que se trate de cans guía.*
14. *Antes do baño será obrigatorio o uso das duchas, asegurándose o usuario de eliminar na mesma cremas, sucedades e restos que poidan quedar nos pés, antes de acceder ao vaso.*
15. *Prohíbese comer, beber e fumar na instalación salvo no espazo persoal localizo na zona de toallas.*
16. *Permítese o acceso de sillas de bebé ao recinto, pero prohíbese o paseo do mesmo pola instalación. Deberá permanecer no seu perímetro habilitado.*
17. *Non está permitido o uso de pañais, por criterios hixiénicos, dado que o seu uso non elimina, senon que enmascara a fonte de contaminación bacteriana.*
18. *Prohibido tomar fotografías ou secuencias vídeo gráficas de outros usuarios sen un consentimento expreso.*
19. *Recomendase o uso de gafas específicas de natación.*
20. *A instalación permanecerá pechada sempre que as condicións meteorolóxicas impidan ou dificulten o seu uso.*
21. *A dirección reserva o dereito a aplicar calquera outra normativa que considere oportuna, en beneficio do bo uso e sustentabilidade das instalacións.*

Normas sanitarias:

A crise sanitaria provocada polo COVID-19 supón a necesidade de adaptar as actividades extremando as precaucións e normas hixiénico - sanitarias establecidas polas autoridades competentes, prestando especial atención as seguintes recomendacións:

- *Distanciamiento social.*
- *Desinfección de mans.*
- *Dotar os espazos onde se desenvolvan as actividades das pertinentes medidas hixiénicas (dispensadores de xel, papeleiras de pedal, carteis informativos...)*
- *Ante calquera síntoma compatible co COVID-19 será necesario abandonar a instalación.*
- *Prohibido realizar actos que perturben, molesten ou poñan en perigo a outros usuarios, dificulten ou obstaculicen o desenrolo da actividade, supoñan dano material para a instalación ou afecten a hixiene en xeral.*



- *Recomendase o uso de gafas.*
- *A dirección reserva o dereito a aplicar calquera outra normativa que considere oportuna, en beneficio do bo uso e sostibilidade da instalación.*
- *Unha vez superado o aforo, non se permite o acceso á instalación.*

7. Apertura e horario :

A apertura da instalación será o día 1 de xullo de 2022, con horario de luns a venres de 15:30 a 19:30 horas e en fin de semana de 14:00 a 20:00 horas.

8. Taxas :

Segundo a Ordenanza Fiscal número 18, reguladora da taxa por prestación de servizos de piscina municipal e escolas deportivas, quedarían da seguinte forma:

TAXAS CARNET

(Será necesario o xustificante de pago para a formalización da inscrición.)

- *ADULTOS : 15,00 €/mes*
- *MENORES 14 ANOS E MAIORES 65 ANOS :6,00 €/mes*

TAXAS ENTRADA

- *ADULTOS: 2,00 €/día*
- *MENORES 14 ANOS E MAIORES 65 ANOS: 1€/día*

SEGUNDO.- Dispoñer a apertura da piscina o día 1 de xullo de 2022, nos seguintes horarios:
Horario de luns a venres de 15:30 a 19:30 horas e en fin de semana de 14:00 a 20:00 horas..

TERCEIRO.- Dar coñecemento destas normas para o uso da instalación.

CUARTO.- Contra esta resolución que pon fin á vía administrativa cabe a interposición de recurso contencioso-administrativo no prazo de dous meses. Con todo, poderá, con carácter potestativo, presentar



CONCELLO DE
CORISTANCO

Avda. Finisterre, 112 - SAN ROQUE – TRABA
15147 - CORISTANCO - A Coruña
Tlf. 981 73 30 01 - Fax: 981 73 33 97 - correo@coristanco.gal
www.coristanco.gal
R. E. L. nº 01150294

exp. 2022/G003/000632

recurso de reposición ante o propio órgano que ditou a resolución no prazo dun mes, nese caso o prazo para a presentación do recurso contencioso administrativo empezará a contarse desde a notificación da resolución expresa do recurso.

Igualmente advírteselle a posibilidade de interposición de calquera outro recurso que estime pertinente (art. 88 da Lei 39/2015, do 1 de outubro).

QUINTO.- Dar conta ao pleno na vindeira sesión que se celebre

Asina dixitalmente na data que figura ao marxe, o Alcalde, D. Juan Carlos García Pose e da fe a Secretaria Municipal, D. Elena González López.